

GUÍA DE SERVIZOS PARA COLEXIADAS/OS E AMIGAS/OS DO CEESG



Nesta guía recóllense os diferentes servizos aos que se pode acceder sendo colexiada/o ou amiga/o do Ceesg. Sen embargo, o Ceesg non é só un listado de servizos; é un **espazo de encontro para a construción dunha profesión** con varias décadas de historia: a Educación Social. Cada paso que damos como colexio, aínda que non sexa un servizo como tal, faise igualmente pensando nas persoas colexiadas, como representantes dos seus intereses.

Quen pode ser colexiada/o do Ceesg?

Calquera persoa que teña a titulación universitaria de Educación Social ou que estivera colexiada/o nalgún colexio profesional de educación social doutra comunidade autónoma.

Quen pode ser amiga/o do Ceesg?

Calquera estudante universitaria/o de Educación Social.

1. Servizos de Información e Asesoramento Profesional

- Asesoramento xurídico
- Atención colexial
- Avisos on-line
- Comisión Ética e de Benestar Profesional
- Información sobre emprego
- Publicacións
- Puntos de Información Colexial

2. Servizos Virtuais na Rede 2.0.

- Email
- Facebook
- Páxina web.

3. Servizos de Formación e Actualización Profesional

- Accións formativas
- Biblioteca-hemeroteca
- Descontos e Promocións especiais
- Grupos de traballo
- Listaxe de peritos xudiciais
- Préstamo do local e recursos do colexio.

4. Seguro de Responsabilidade Civil Profesional.

**Servicios de
información e
asesoramiento
profesional**

Asesoramento xurídico

Definición:

O gabinete xurídico do Ceesg ofrece asesoramento ás persoas colexiadas en calquera materia. A primeira consulta, de orientación, será gratuíta. No caso de necesitar un traballo en maior profundidade, o gabinete aplicará prezos reducidos polas seguintes consultas de asesoramento xurídico.

Cómo solicitalo:

O primeiro paso é enviar a consulta a info@asensucontrario.info. Cada primeiro mércores de mes, e cada terceiro martes de mes, unha avogada do servizo xurídico estará na sede do colexio, e poderá atenderte persoalmente. Aconséllase avisar con antelación da intención de usar este servizo presencial, para consultar dispoñibilidade e eventuais cambios de horario.



Definición:

O persoal do colexio asesorarase nas túas dúbidas sobre a profesión e sobre calquera cuestión relacionada co funcionamento do colexio.

Cómo solicitalo:

Podes dirixirte ao colexio a través do correo-e ceesg@ceesg.org

Avisos online

Definición:

Envío por email da información de actualidade do Ceesg, permitindo estar ao día das novidades da nosa web de forma máis inmediata.

Habitualmente fanse envíos dúas veces por semana, aínda que pode variar en función do volume de actividades programadas.

Cómo solicitalo:

Non é necesario solicitalo. O servizo ofrécese a todo o colectivo de colexiadas/os e amigas/os, unha vez formalizada a súa relación co colexio.



Comisión Ética e de Benestar Profesional

Definición:

A Comisión está formada por varias persoas do eido profesional e académico con especial interese neste tema. Tendo como base o Código Deontolóxico da educadora e do educador social, darán resposta a aquelas dúbidas de carácter ético que se presenten no noso quefacer profesional.

A Madriña da comisión é Carme Adán Villamarín, Doutora en Filosofía, e política.

Cómo solicitalo:

As consultas deben ser enviadas por correo-e a ceesg@ceesg.org. Dende alí derivarase á Comisión, que trasladará unha resposta tamén por este medio.



Información sobre Empleo

Definición:

Servizo en liña a través do que se canalizan as ofertas de emprego para as Educadoras e Educadores Sociais ofrecidas por diversas entidades.

Cómo solicitalo:

O servizo está dispoñible na páxina web www.ceesg.org, onde se recollen ofertas de emprego das que temos coñecemento, ben porque as entidades contactan directamente co colexio para solicitar profesionais, ben por tratarse de ofertas feitas públicas por outros medios.

Accede a través da sección **Servizos > Empleo**:



Definición:

- Revista **Galeduso**: Monográfico centrado nalgún ámbito ou temática da Educación Social, coa intención de dar a coñecer a profesión.
- **Boletín do Ceessg**: Ten formato dixital e diríxese a colexiadas/os e amigas/os fundamentalmente, achegando información sobre actualidade profesional, formación, actuacións do colexio, etc.

A parte destas publicacións periódicas, tamén se editan outras de contido relacionado coa profesión, como a colección *Colexio en dixital*, folletos informativos, actas de accións formativas, premios, etc.

Cómo solicitalo:

É un servizo básico que reciben todas as colexiadas/os. Tamén poden consultarse a través da páxina web do colexio.

Calquera persoa pode colaborar enviando artigos e propostas.



Puntos de Información Colexial (PICs)

Definición:

Espazo de referencia ubicado nas diferentes Universidades galegas onde se imparte educación social, para achegar de xeito áxil e próximo a información da Educación Social e as actuacións do Ceesg ao alumnado. Este espazo ten a particularidade de estar dinamizado por estudantes de educación social, co apoio do Ceesg.

Cómo solicitalo:

É un servizo básico presente nas Universidades. Para colaborar como dinamizador/a do PIC, hai que formalizar a amizade co colexio (a cota de amizade será gratuíta, como compensación) e contactar co Ceesg.





Servizos virtuais na rede e 2.0

E-mail

Definición:

Toda persoa que integra o Ceesg poden ter unha conta de correo electrónico no dominio **ceesg.org**, sen publicidade.

Exemplo:nome.apelido.apelido@ceesg.org

Cómo solicitalo:

Solicítase a través da área privada da web, na sección Servizos > Correo-e. Unha vez solicitada a conta, estará en funcionamento nos días seguintes.



Definición:

Estamos en facebook, unha das redes sociais máis utilizadas. Unha canle para a comunicación de noticias e actividades relacionadas coa educación social, e como un espazo máis de relación entre as educadoras/es sociais e o colexio.

Cómo solicitalo:

Se tes conta no facebook, búscanos e dalle ao “Gústame” na nosa páxina:www.facebook.com/ceesg



Páxina web


Definición:

A nosa web www.ceesg.org conta cunha área restrinxida a colexiadas/os, á que podemos acceder e consultar a información dispoñible nas seccións privadas, e onde atoparás tamén un espazo para a relación e encontro con outros profesionais.

Cómo solicitalo:

Rexistrándote na web www.ceesg.org a través do formulario correspondente. Unha vez comprobada a veracidade da túa colexiación, habilitarase o acceso.





Servicios de formación e actualización profesional

Accións formativas

Definición:

O Ceesg, comprometido coa formación permanente e a reciclaxe profesional, diseña anualmente un plan formativo que pretende dar resposta ás demandas e necesidades identificadas no amplo campo da Educación Social.

As cotas de inscrición da oferta formativa do colexio resultan máis favorables para as colexiadas e colexiados.

Cómo solicitalo:

Inscrición segundo o caso.

Calquera persoa colexiada ou amiga do Ceesg pode realizar suxestións e propostas formativas ao colexio.



Definición:

O Ceesg conta cun fondo bibliográfico centrado en diversas temáticas sobre a Educación Social e clasificado por ámbitos de traballo, que está a disposición de todos os seus membros.

Dispón de **servizo de préstamo**. Para as persoas que residan fóra de Santiago, hai a opción de préstamo por correo certificado, de xeito que o Ceesg asume o gasto do envío e a persoa que solicita o servizo asume o gasto da devolución.

Cómo solicitalo:

Existe un regulamento para os préstamos, que pode consultarse na web (número máximo de préstamos ao mesmo tempo, duración, etc.) Tanto o **regulamento** como o **catálogo** de publicacións están dispoñibles na páxina web do Ceesg.



Descontos e promocións especiais



Definición:

Condições vantaxosas para colexiadas/os e/ou amigas/os ofrecidas por entidades de servizos diversos.



Cómo solicitalo:

O proceso será diferente segundo cada caso.

Na web do colexio atoparás un listado completo e actualizado dos descontos e promocións en vixencia, onde se indican as condicións específicas para colexiadas/os e ou amigas/os do Ceesg.



Definición:

Un Grupo de Trabajo é unha agrupación voluntaria de colexiadas/os do Ceesg que, tendo como interese común un ámbito de traballo concreto da Educación Social, traballan para a promoción, desenvolvemento e mellora do mesmo, en colaboración co colexio. A día de hoxe existen os seguintes Grupos de Trabajo:

- Grupo de Estudos e Intervención Xeragóxica, **Geix**.
- Grupo de Traballo en Igualdade, **Fiadeiras**.
- Intervención socioeducativa con Infancia e Adolescencia, **Escaravellando**.
- Intervención Socioeducativa con Familias, **aBeira**.
- Desenvolvemento Comunitario e Educación Ambiental, **A Eira do Ceesg**.

Tamén se está traballando na creación dun Grupo de Traballo sobre Saúde.

Cómo solicitalo:

Contacta co colexio para deixar constancia de que che gustaría integrarte nalgún grupo de traballo. Poñerante en contacto directo coa persoa coordinadora do Grupo, que che explicará o traballo e intereses do mesmo. Unha vez confirmado o teu interese coa persoa coordinadora, o persoal do colexio porase en contacto contigo para explicarche os pormenores técnicos da participación no grupo (formas de comunicación, seguro, etc.)

Tamén podes propoñer a creación de novos grupos que poidan ser de interese para a profesión.



Listaxe de peritos xudiciais

Definición:

A Lei de Axuizamento Civil ordena aos Xulgados e Tribunais da orde xurisdiccional civil que soliciten cada ano aos Colexios Profesionais o envío dunha lista de colexiadas/os dispostas/os a actuar como peritos xudiciais.

Para a confección desta lista, o Ceesg aprobou un regulamento que está a disposición das colexiadas e colexiados na páxina web do colexio.

Cómo solicitalo:

A solicitude pode formularse en calquera momento do ano, sempre antes do prazo límite que se estipule (normalmente no mes de novembro). As solicitudes fanse unha vez ao ano (non se modifican posteriormente) polo que as solicitudes que se presenten serán tramitadas para a elaboración da lista do ano seguinte.

No regulamento, que pode consultarse na web, indícase a documentación a presentar, os requisitos que deben cumprirse, etc.



Préstamo do local e recursos do colexio

Definición:

Queremos que a sede do Ceesg se converta nun espazo aberto e de encontro para a Educación Social, onde desenvolver non só as tarefas do quefacer cotián do Colexio, senón que tamén albergue as actividades de persoas colexiadas que precisen deste espazo e dos recursos dos que dispoñemos (proxector, ordenador portátil, papelógrafo/encerado).

Cómo solicitalo:

Cumprimentando o formulario ao efecto que está dispoñible na web.

Existe un regulamento de cesión de espazos e recursos que tamén pode consultarse na mesma sección da web.

Segundo o horario da cesión das instalacións, este servizo podería levar aparelado un custe económico.



**Seguro de
Responsabilidad
Civil Profesional**

Seguro de Responsabilidade Civil Profesional

Definición:

O Ceesg ofrece unha póliza que asegura a Responsabilidade Civil Profesional derivada do exercicio da Educación Social, para o caso de que causemos algún tipo de dano nas persoas coas que traballamos ou nos seus bens. Nesta circunstancia, a compañía aseguradora asumiría o custe de defensa e, no seu caso, da cantidade á que se condene por calquera demanda da que sexamos obxecto.

Cómo solicitalo:

Na web podes descargar o impreso de solicitude.

Será necesario pagar unha cota anual a maiores da cota de mantemento colexial.







Rúa Lisboa 20 - baixo C
15702 Santiago de Compostela
A Coruña

T 981552206 | F 981938274
ceesg@ceesg.org | www.ceesg.org
www.facebook.com/ceesg